

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: [opcina@banovici.gov.ba](mailto:opcina@banovici.gov.ba), Web: [www.banovici.gov.ba](http://www.banovici.gov.ba)

Broj: 01-04-930/21-6

Datum: 05.05.2021. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 43. Statuta Općine Banovići ( Službeni glasnik općine Banovići broj 2/20) i Preporuke Komisije za javnu nabavku, broj: 01-04-930/21-5 od 04.05.2021. godine u postupku javne nabavke usluge „**Angažovanje rovokopača sa kamionom**“ Općinski načelnik donosi

## ODLUKU O IZBORU NAJPOVOLJNIJEG PONUĐAČA

### Član 1.

Prihvata se Preporuka Komisije za javne nabavke broj: 01-04-930/21-5 od 04.05.2021. godine i Ugovor za javnu nabavku usluge „**Angažovanje rovokopača sa kamionom**“ dodjeljuje se ponuđaču „**HARMELI**“ d.o.o. Banovići, sa sjedištem u ulici Begov potok bb. 75290 Banovići, ponuda broj: 172/21 od 26.04.2021. godine, za ponuđenu cijenu nakon e-aukcije od 14.900,00 KM bez PDV-a, kao najbolje ocijenjenom ponuđaču.

### Član 2.

Prijedlog Ugovora o nabavci usluge dostavit će se na potpis izabranom ponuđaču „HARMELI“ d.o.o. Banovići, sa sjedištem u ulici Begov potok bb. 75290 Banovići, u roku od 5 dana, računajući od dana kada su svi ponuđači obavješteni o izboru najpovoljnije ponude.

### Član 3

Ova Odluka stupa na snagu danom donošenja i objavit će se na internet stranici [www.banovici.gov.ba](http://www.banovici.gov.ba) istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14).

### o brazloženje

Odlukom o pokretanju postupka javne nabavke usluge broj: 01-04-930/21 od 08.04.2021. godine donesenom od strane ovog organa pokrenut je postupak javne nabavke usluge „**Angažovanje rovokopača sa kamionom**“.

Predmetna javna nabavka predviđena je Planom javnih nabavki općine Banovići za 2021. godinu, broj: 01-04-627/21 od 05.03.2021. godine, pod stavkom 74.

Javna nabavka usluge sprovedena je putem konkurentnog zahtjeva za dostavu ponuda.

Procijenjena vrijednost javne nabavke bez PDV-a je 20.000,00 KM. Obavještenja o nabavci broj: 1220-7-2-50-3-7/21 objavljeno je na Portalu javnih nabavki dana 12.04.2021. godine.

Tenderska dokumentacija broj: 01-04-930/21-1 objavljena je na Portalu javnih nabavki dana 12.04.2021. godine.

Poziv za preuzimanje tenderske dokumentacije dostavljen je:

1. „RM COMPANY“ d.o.o. Banovići,

2. „SM TRANSKOP“ d.o.o. Banovići i

3. „HARMELI“ d.o.o. Banovići.

Komisija za javne nabavke imenovana rješenjem broj: 01-04-639/21 od 08.03.2021. godine, ovom organu dostavila je dana 05.05.2021. godine Zapisnike o pregledu i ocjeni ponuda broj: 01-04-930/21-3 od 28.04.2021. godine i broj: 01-04-930/21-4 od 04.05.2021. godine, te Preporuku o izboru najpovoljnijeg ponuđača broj: 01-04-930/21-5 od 04.05.2021. godine u postupku javne nabavke usluge „**Angažovanje rovokopača sa kamionom**“

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 5 (pet) i to:

1. „JOJA-TRANSPORTI“ d.o.o. Živinice, sa sjedištem u ulici Magistralni put br. 33. 75270 Živinice (datum predaje ponude 27.04.2021. godine; vrijeme predaje ponude 07:07 h),
2. „HASANAGIĆ“ d.o.o. Banovići, sa sjedištem u ulici Litva bb 75290 Banovići (datum predaje ponude 27.04.2021. godine; vrijeme predaje ponude 10:30 h),
3. „HARMELI“ d.o.o. Banovići, sa sjedištem u ulici Begov potok bb. 75290 Banovići (datum predaje ponude 27.04.2021. godine; vrijeme predaje ponude 10:42 h),
4. „RM COMPANY“ d.o.o. Banovići, sa sjedištem u ulici Bosanska br. 22. 75290 Banovići (datum predaje ponude 27.04.2021. godine; vrijeme predaje ponude 11:34 h),
5. „SM TRANSKOP“ d.o.o. Banovići, sa sjedištem u ulici Radnička bb. 75290 Banovići (datum predaje ponude 27.04.2021. godine; vrijeme predaje ponude 11:35 h),

- da je blagovremeno zaprimljeno 5 (pet) ponuda,

- da nema neblagovremenih ponuda,

- da su ponude ponuđača: „JOJA-TRANSPORTI“ d.o.o. Živinice, „HASANAGIĆ“ d.o.o. Banovići i „HARMELI“ d.o.o. Banovići, ocijenjene prihvatljivim, a da su ponude ponuđača: „RM COMPANY“ d.o.o. Banovići i „SM TRANSKOP“ d.o.o. Banovići, ocijenjene NEPRIHVATLJIVIM, te odbačene iz slijedećih razloga:

#### 1. „RM COMPANY“ d.o.o. Banovići

Komisija je utvrdila da je ponuđač „RM COMPANY“ d.o.o. Banovići u svojoj ponudi, tačnije u obrascu za dostavljanje ponude (aneks 1.), pod tačkom 5. ponudio kraći period važenja ponude. Naime tačkom 28. tenderske dokumentacije traženo je da ponude **moraju** važiti u trajanju 60 dana, računajući od isteka roka za podnošenje ponuda. Ponuđač „RM COMPANY“ d.o.o. Banovići je ponudio period važenja ponude u trajanju od **30 (trideset) dana**, računajući od isteka roka za prijem ponuda. Budući se ponuđač, prilikom izrade svoje ponude, nije pridržavao odredbi iz tenderske dokumentacije, na osnovu člana 57. stav 1. i člana 68. stav (4) tačka i) Zakona o javnim nabavkama, ponuda ponuđača „RM COMPANY“ d.o.o. Banovići **odbacuje se kao neprihvatljiva**, jer ista ne ispunjava zahtjeve iz Tenderske dokumentacije.

#### 2. „SM TRANSKOP“ d.o.o. Banovići

Pregledom dokaza o sposobnosti obavljanja profesionalne djelatnosti utvrđeno je da ponuđač „SM-TRANSKOP“ d.o.o. Banovići nije dostavio aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke. U ponudi je dostavljeno Rješenje o izmjenama podataka izdato od Općinskog suda u Tuzli dana 09.04.2020. godine. Iz dostavljenog Rješenja vidljivo je da je ponuđač registrovan za obavljanje djelatnosti koja je predmet ove nabavke, ali dokaz nije dostavljen u skladu sa zahtjevima iz tenderske dokumentacije. Tenderskom dokumentacijom (tačka 17.3.) traženo je da se dokazi sposobnosti obavljanja profesionalne djelatnosti dostavljaju kao originali ili ovjerene kopije, s tim da **datum izdavanja originala ne može biti stariji od 3 (tri) mjeseca** računajući od dana dostavljanja ponuda. S obzirom da je dostavljeno Rješenje doneseno od strane Općinskog suda Tuzla dana 09.04.2020. godine, a da je ponuda dostavljena dana 27.04.2021. godine, očito je da je Rješenje o izmjenama podataka, koje je dostavljeno kao dokaz sposobnosti obavljanja profesionalne djelatnosti, starije od 3 mjeseca. Na osnovu navedenog i na osnovu člana 57. stav 1. i člana 68. stav 1. Zakona o javnim nabavkama, ponuda ponuđača „SM TRANSKOP“ d.o.o. Banovići **odbacuje se kao nepotpuna i time neprihvatljiva**, jer ne ispunjava zahtjeve iz Tenderske dokumentacije

U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena primjena e-aukcije ista je održana 04.05.2021. godine.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 14.900,00 KM bez PDV-a.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, te članom 9. stav 2. Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

#### **DOSTAVITI:**

1x Svim ponuđačima koji su učestvovali u postupku JN

1x U spis

